

編號 01 號

【大箍牯減肥記】曾菁怡原作

「哇！歸桌恁多好料！汽水、餅、披薩、雞卵糕、枝冰，還有最好食个煇菜、雞髀。」看到無目，口水強強會跌下來，該兜好料像人攞攞手講：「遽遽來食，遽遽來食啲！」煞煞抓一支香噴噴个雞髀，該油光油光个皮焙到赤赤，肉汁汀汀汀汀，實在還錫人哪！就在嘴擘到大大，準備咬下去該下，嘎聽著：「大箍牯，還毋疏床？讀書會赴毋著咧！」全部个好料一下嘎毋見忒，原來，係發夢啊！有一息仔毋願，該雞髀無咬著，實在還打爽哦！

聽姆講，從細就已好嘴斗，生到肥卒卒仔，幼皮白肉，當得人惜。公太就最愛捏个面頰卵，講像正打好个粿粿樣，分人想愛咬一口。本旦無感覺肥固固个身材有麼个毋好，毋過該擺見笑个經驗分決心愛減肥咧。

該日學校辦校慶活動，个班級表演「三隻豬子」个話劇，係擔任豬大哥个角色。在節目進行到豬大哥攞豬二哥為著閃避大野狼，愛走去豬老弟个屋肚園該下，為著有緊張个氣氛，盡命牯飆過去愛鑽落豬老弟个屋肚。麼人知，一下忒大力，豬老弟个屋嘎分撞橫忒去，還仆在屋面頂，屎肫翹到半天高，繃繃

繃个褲弓到暴線縫，該時，鬧熱煎煎个禮堂忽然間變到肅恬¹，還聽得著自家砰砰滾个心跳聲，額頭流下來个每一滴汗水，就分感覺得著實在還見笑哪！愛仰結煞正好？背尾，有聲音攞解圍咧，遽遽企起來行到舞臺脊頭換褲，該聲音，毋係期待个拍手聲，係大家笑到歸身緊顫、目汁雙流个笑聲。

校慶結束該日，桌頂个乳茶、雞排全部分擲到垃圾桶，第一擺有恁堅定个決心，絕對愛減肥成功。去網路尋減肥个方法，大體係減量、減油、減糖，還愛配合適當个運動，所以該兜油膩膩个煇菜、甜漬漬²个汽水、糖仔全部分拒絕，逐餐飯菜都食較清較齋兜，食到七分飽就好。還逐日運動三十分鐘，行路、打球仔、跳索仔……，逐日做無共樣个變化。

一隻月過後，姆渡等去買新衫，逐領个尺寸都減忒兩號，阿姆講：「從今以後做毋得再過喊你『大箍牯』咧。」係啊！你愛喊『緣投哥』哩啲。」

大箍牯減肥，成功！

¹ 肅恬：音 sog diam`；形容安靜無聲的樣子。

² 甜漬漬：音 tiam zid` zid`；味道很甜。

編號 02 號

【擲牙齒】張旭英原作

堵好係換牙齒个七、八歲，舊个牙齒𠵿𠵿忒¹，新牙斯暴出來咧，就係人講个生豬哥牙啦，又恁堵好係頭前个大門牙，係講無先膠舊牙擲忒，一方面驚怕會影響新牙个生長，另一方面細阿妹仔个門面就會𦍋²到看毋得。

就恁樣，第二日 爸渡 坐巴士去街路个齒科擲牙齒，還當記得，愛去街路个前一暗晡， 姆遽遽用裁縫車踏踏仔，兩下半就做好一身洋裝，愛分 著去街路擲牙齒。毋知係毋係著新衫心頭歡喜，對黏時愛擲牙齒試著無恁發痲驚³，到先生該位，護理師先膠 注痺射，先生一下手⁴擲忒四支舊牙，護理師喊講棉仔愛出力咬等，麻藥𠵿過，所以也無感覺著有幾痛。坐有一下，護理師講做得轉去咧！拿好藥包，交代講係止痛藥，實在當痛，痛到佇毋著就愛拿來食，係講會試著毋鬆爽，就愛倒轉來分先生看。

跔等 爸後背，準備愛行去赴車枋，欸！仰毋係行去車頭

个方向，該量時 還無法度講話，用手拉 爸个衫腳，指等車頭該片，提醒佢行毋著咧， 爸笑咪咪仔講，偲俚兩儕先來去食一碗冰正去坐巴士。包尾 正知， 爸驚 痺藥過忒開始會痛，又知得棉仔拿忒定著會出血，食冰暫時做得止血止痛。該碗冰係清冰，白雪雪个冰淋一息仔烏糖水，該冰冰、涼涼、甜甜个味緒，永久記得。下後再過點清冰來食， 嘎尋毋著當時該種味緒。

擲忒四支牙齒个 ，跔等 爸歡歡喜喜食冰，又安安心心坐等巴士轉屋下，毋知續下來還有愛面對个事情，第一，就係暫時做毋得食硬飯，斯做得食糜、食麵；第二，少忒四支牙齒，暫時變到當毋好看，會分人笑「缺牙耙」。仰結煞正好呢？該量時𠵿有揸嘴仔⁵好戴，斯做得嘴微微⁶毋好講話，就毋會分人看著 个牙齒少忒四支咧，還有食糜、食麵，驚怕愛食一駁仔哩啲！

這下 个門牙生到齊齊正正，除忒愛感謝 爸个智慧，還有 姆做一身新衫分 ，正分當少出門个細阿妹仔增加多多少少勇氣，做得勇敢去面對擲牙齒个事情。

¹ 𠵿𠵿忒：音 mang lud ted；還沒從附著的物體上掉下來。

² 𦍋：音 zhe'；形容醜陋的樣子。

³ 發痲驚：音 bod chi` giong；受到驚嚇而心中感到害怕，甚至起雞皮疙瘩。

⁴ 一下手：音 rhid ha+ shiu'；一口氣。

⁵ 揸嘴仔：音 em` zhoi` er；口罩。

⁶ 嘴微微：音 zhoi` mi` mi；嘴巴閉著。

編號 03 號

【剃頭】張美容原作

前幾日去剃頭店剃頭，看著一個兩、三歲个細人仔，為著剃頭噉到噉殺天¹，大人細子全部斯搥到汗流脈絡，實在還衰過哪。這下較大咧，剃頭該時毋敢噉，毋過還係恁驚剃頭，乜共樣恁惱剃頭！

驚剃頭，係因為 當無膽，驚師傅手町該支剪刀撈剃頭刀。見擺一坐落凳頂， 好剃頭怕，看著師傅擎等剪刀對等，就開始嗶嗶掣²，試著過忒千年恁久毛正剪好，堵堵想敌下大氣定，師傅又擎等利利个剃頭刀愛來刮 腦屎背³个毛腳，這下還較得人畏咧。 驚到頸根緊跣、屎肫在凳頂扭上扭下，師傅一頭刮、一頭咄⁴ 毋好停動，無奈何， 牙根齧等、拳頭嫫搭等，由在人剝割。係走得得， 定著起腳花走⁵，一分鐘就毋停跔。唉！剃頭實在得人驚！

到三、四年生起勢，膽較在⁶咧，無恁驚剃頭，噯變到惱剃頭，因為師傅該張嘴當得人惱，佢總係在撈 剃頭該時，講講擎

一千擔有个無个。可能大家係老鄰舍昶⁷熟事咧，佢長下緊剃緊撈打嘴鼓，一下問：「你个頭那毛落麼个肥，仰會生到恁靚、恁多？」一下又講：「營養毋好專門搵到頭那毛去，愛食較高大兜正有影哪！毋好像矮嫫車樣矮佻佻仔⁸。」面皮薄、驚見笑，長下目珠眨等詐無聽著，一肚懊躁想：「仰結煞！脣頭个人定著在該笑 咧啦！還惱！還惱！實在還惱剃頭。」

最冤枉个係，有一擺師傅毋知仰般，剪刀一溜⁹，噯撈 个耳陀剪隻空，血黏時流出來。師傅一頭撈 膏藥仔，一頭嚶嚶啾啾講：「頭那毛恁多，當毋好剪。」仰般噯變成 个錯！轉到屋下想愛撈阿姆做嬌，無想著阿姆毋單淨無安慰，顛倒罵 講：「毋恬恬坐等分人剃哪！耳空無分人剪忒斯已好咧。」限勢 愛噉毋得嘴扁，聽著阿姆恁樣講，黏皮「哇」一聲噉出來。係做得， 甘願鬢頭髻披¹⁰也無愛去剃頭。

剃頭个齣事，幾隻月斯愛再過來一擺，還艱苦哪！ 日日想、日日望，想望煞煞大，做得像大人樣，去電毛店剪頭那毛，腳交等，有冷氣好吹、有人撈你捉龍，還有人滄茶分你食，毋知幾好哪！

¹ 噉噉殺天：音 ve vong sad tien`；大聲哭喊

² 嗶嗶掣：音 bid bid chad；不停發抖。

³ 腦屎背：音 no' shi' boi`；後腦杓。

⁴ 咄：音 doi；喝斥。

⁵ 起腳花走：音 hi' giog fa` zeu'；拔腿就跑。

⁶ 在：音 cai+；穩固。

⁷ 昶：音 tiong'；太。

⁸ 矮佻佻仔：音 ai' dud dud er；矮嘟嘟的。

⁹ 溜：音 tiu`；滑開。

¹⁰ 鬢頭髻披：音 nung teu gi` pai`；披頭散髮。